

ZAPISNIK SA 09.VANREDNE ELEKTRONSKE SJEDNICE UO SAMOSTALNOG SINDIKATA RADNIKA U BHRT-u, U MANDATU 2019-2023, KOJA JE ODRŽANA U UTORAK 27.07.2021. GODINE

Prisutni: Elvis Čengić; Nihad Arnautović; Neda Tadić; Damir Smital; Sadin Kavazović; Džemal Kahrica; Mustafa Baručija; Rifat Kukić; Merima Kurtović Pašalić; Samir Gadžo; Mensud Grbo; Ekrem Agić; Edis Fočo; Dragan Miljević; Josip Sogović; Mubera Herac.

Odsutan: Omer Bukić

Upravni odbor je elektronskim putem održao 09. Vanredna sjednica u skladu sa članom 27. Poslovnika o radu Upravnog odbora.

D.Smital je elektronskim putem poslao dnevni red kao i materijal za sjednicu.

Dnevni red:

1. Aktuelna situacija u BHRT-u
2. Finansije
 - Odluka o utrošku sredstava za održavanje Skupštine
3. Odluka o pomoći

U prilogu za tačku 1. dnevnog reda dostavljen je prijedlog izmjena Pravilnika o platama i naknadama po pitanju praznika, noćnih sati i rada nedjeljom, koji je od sindikata tražen na sastanku održanom 15.07.2021.godine a koji je kolegij sindikata jednoglasno usvojio i dostavio menadžmentu 22.07.2021.godine.

AD 1. Rukovodstvo SSR u BHRT-u je održalo sastanak sa menadžmentom BHRT-u 15.07.2021.godine na kojem su prisutni bili Belmin Karamehmedović, Dženita Jusufbegović, Damir Smital, Džemal Kahrica, Neda Tadić i Elvis Čengić. Teme sastanka su bile: plata, bonovi za topli obrok, kolektivni ugovor, plaćanje rada na praznike, radnici na ugovoru, odluka o invalidima, disciplinski proces i parking

Rukovodstvo sindikata je ponovo postavilo pitanje umanjenja plata od 10% koje traje od početka pandemije. Generalni direktor je iznio argumente slične onima sa prethodnog sastanka zbog kojih u narednom periodu neće biti uvećanja plate i dodao da rade sa RTV FBiH na izmjeni cjenovnika usluga.

Postavljeno je pitanje o navodnoj podjeli bonova za restoran umjesto novca za topli obrok, menadžment nam je odgovorio da niti imaju namjeru to raditi, niti postoji zakonska osnova za podjelu bonova umjesto novca.

Kada je u pitanju Kolektivni ugovor, dogovoreno je da se dan nakon sastanka, dogovori termin održavanja prve runde pregovora.

Sindikata je dobio odgovor menadžmenta na postavljeni zahtjev o drugačijem obračunu dodataka na platu za praznike, nedjelje i noćni rad. U dopisu su navedene norme iz Zakona o radu i Pravilnika BHRT-a, ali nije ponuđeno rješenje problema. Menadžment je zatražio od rukovodstva sindikata da se dostavi konkretan prijedlog izmjena pravilnika o platama i naknadama, vezano za dodatke na platu za praznike, nedjelje i noćni rad.

Rukovodstvo sindikata je 22.07.2021.godine dostavilo prijedlog izmjena Pravilnika o platama i naknadama po pitanju praznika, noćnih sati i rada nedjeljom.

Menadžment je iznio da uskoro ističe period koji je dat rukovodiocima da dostave analizu svojih radnih jedinica po pitanju radnika koji imaju invalidnost. Rukovodstvo sindikata je postavilo pitanje da li se ova odluka, odnosno preispitivanje radne sposobnosti odnosi na sve invalide. Dobili smo odgovor da će se preispitivati radna sposobnost samo onih radnika – invalida, koji ne rade, odnosno kojima rukovodioci ne mogu naći radno mjesto na kojem bi mogli raditi sa svojim ograničenjima i da se ne odnosi na one radnike-invalidne koji normalno rade svoj posao.

Kada je u pitanju disciplinski proces u slučaju „tzv Armija BiH“, rečeno nam je da će se on nastaviti u septembru.

Dogovoreno je da se proba naći rješenje za sređivanje parkinga, koje uključuje krpljenje rupa, postavljanje dodatne rasvjete i iscrtavanje parkinga. Kada se bude znala cijena troškova, sindikat će uzeti svoje učešće u tome.

AD 2. UO sindikata je jednoglasno usvojio Odluku o utrošku sredstava za održavanje Skupštine koju je dostavio D.Smital.

AD 3. Komisija za dodjelu finansijske pomoći (M.Herac, R.Kukić, M.Baručija) predložila je da novčanu pomoć za mjesec juli 2021.godine dobiju slijedeći članovi: Baručija Zehra 500,00 KM, Oglečevac Mevlida 350,00 KM, Suša Enver 250,00 KM . Ukupno 1.100,00 KM. Prijedlog odluke komisije je usvojen sa 15 glasova ZA, 1 član UO nije glasao.

Izvršni sekretar
SAMOSTALNOG SINDIKATA
RADNIKA U BHRT-u
Elvis Čengić

Predsjednik
SAMOSTALNOG SINDIKATA
RADNIKA U BHRT-u
Damir Smital